

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება N 01-09/195**

ქ. ბათუმი

19 აპრილი 2012 წ.

რსუ-ს იმ სტუდენტთა სტატუსის შეწყვეტის თაობაზე, რომელთა საგანმანათლებლო პროგრამის ვადა ამოიწურა 2010–2011 სასწავლო წელს და ვერ შეასრულეს პროგრამით გათვალისწინებული მოთხოვნები

განათლებისა და მეცნიერებათა ფაკულტეტის დეკანის, 2012 წლის 19 მარტის №793 მოხსენებითი ბარათით, საინჟინრო-ტექნოლოგიური ფაკულტეტის დეკანის 2012 წლის 27 მარტის №969 მოხსენებითი ბარათითა და სოციალურ მეცნიერებათა, ბიზნესისა და სამართალმცოდნეობის ფაკულტეტის დეკანის მოხსენებითი ბარათით წარმოდგენილ იქნა იმ სტუდენტთა სიები, რომელთა საგანმანათლებლო პროგრამის ვადა ამოიწურა 2010–2011 სასწავლო წელს და დარჩენილი აქვთ აკადემიური დავალიანებები. ამ სტუდენტთა მიმართ რსუ-ს რექტორის 2011 წლის 23 მარტის №01-09/119 და 2011 წლის 07 სექტემბრის №01-09/302 ბრძანებებით დაიწყო ადმინისტრაციული წარმოება რსუ-ს სტუდენტის სტატუსის შეწყვეტის თაობაზე აქტის გამოსაცემად. ადმინისტრაციული წარმოების პროცესში მათ მომართეს განცხადებით უნივერსიტეტს და მოითხოვეს გამონაკლისის დაშვება აკადემიური დავალიანების დაფარვის შესაძლებლობის სახით. სტუდენტთა განცხადებების გათვალისწინებით, რსუ-ს აკადემიური საბჭოს 2011 წლის 20 აპრილის №52 და 2011 წლის 09 სექტემბრის №118 დადგენილებების საფუძველზე გამოიცა რსუ-ს რექტორის 2011 წლის 29 აპრილის №01-09/176 და 2011 წლის 07 ოქტომბრის №01-09/416 ბრძანება, რომლითაც მათ მიეცათ შესაძლებლობა დაერეგისტრირებინათ და აეთვისებინათ აკადემიური დავალიანებები 2011–2012 სასწავლო წლის განმავლობაში (რსუ-ს რექტორის 2011 წლის 29 აპრილის №01-09/176 ბრძანებით განსაზღვრულ სტუდენტებს ვადა გაუგრძელდათ 2011-2012 სასწავლო წლის მე-2 სემესტრამდე, ხოლო 2011 წლის 07 ოქტომბრის №01-09/416 ბრძანებით განსაზღვრულ სტუდენტებს 2011-2012 სასწავლო წლის მე-2 სემესტრის ჩათვლით). აკადემიური და ადმინისტრაციული რეგისტრაცია უნდა განხორციელებულიყო შესაბამის საგანმანათლებლო პროგრამებზე სწავლების დაწყებისათვის განსაზღვრულ ვადებში, (ამასთან, ერთი სასწავლო წლის განმავლობაში ათვისებული კრედიტების ოდენობა არ უნდა ყოფილიყო 75 კრედიტზე მეტი). დღევანდელი მდგომარეობით აღნიშნულ სტუდენტებს კვლავ ერიცხებათ აკადემიური დავალიანებები, რის გამოც კანონშესაბამისია მათ მიმართ გამოიცეს ბრძანება რსუ-ს სტუდენტის სტატუსის შეწყვეტის თაობაზე.

რსუ-ს წესდების 66-ე მუხლის მე-5 პუნქტის თანახმად, შესაბამისი საგანმანათლებლო პროგრამის ვადის ამოწურვისთანავე პირს უწყდება რსუ-ს სტუდენტის სტატუსი. გამონაკლისი შეიძლება დაშვებული იქნას აკადემიური საბჭოს მიერ მიღებული გადაწყვეტილებით. რსუ-ს აკადემიური საბჭოს 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“-ს მე-9 მუხლის მე-6 პუნქტის თანახმად, პირს, რომელმაც არ ან ვერ დაასრულა საგანმანათლებლო პროგრამა, უწყდება სტუდენტის სტატუსი. გამომდინარე იქედან, რომ მათ არ

გამოიყენეს აკადემიური საბჭოს გადაწყვეტილებით მინიჭებული უფლებამოსილება და დღევანდელი მდგომარეობით კვლავ ერიცხებათ აკადემიური დავალიანებები, კანონშესაბამისია მათ მიმართ გამოიყენოს ბრძანება რსუ-ს სტუდენტის სტატუსის შეწყვეტის თაობაზე.

საქართველოს ზოგადი ადმინისტრაციული კოდექსის 72 - 76-ე და 95 - 101 -ე მუხლების, „უმაღლესი განათლების შესახებ“ საქართველოს კანონის 22-ე მუხლის პირველი პუნქტის, შოთა რუსთაველის სახელმწიფო უნივერსიტეტის წესდების მე-13 და 66-ე მუხლების, უნივერსიტეტის აკადემიური საბჭოს 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“-ს მე-3 მუხლის მე-9 პუნქტისა და მე-9 მუხლის მე-6-7 პუნქტების, რსუ-ს რექტორის 2011 წლის 29 აპრილის №01-09/176 და 2011 წლის 07 ოქტომბრის №01-09/416 ბრძანებების საფუძველზე

ვ ბ რ ძ ა ნ ე ბ :

1. შეუწყდეთ რსუ-ს სტუდენტის სტატუსი იმ პირებს (**დანართი 1**), რომელთა საგანმანათლებლო პროგრამის ვადა ამოიწურა 2010-2011 სასწავლო წელს და დარჩენილი აქვთ აკადემიური დავალიანებები.
2. **დანართი 1**-ით განსაზღვრულ სტუდენტებს განემართოთ, რომ საქართველოს განათლებისა და მეცნიერებათა მინისტრის 2010 წლის 4 თებერვლის №10/ნ ბრძანების მე-3 მუხლის მე-5 პუნქტის თანახმად, სტუდენტის სტატუსის შეწყვეტის შესახებ სამართლებრივი აქტის გამოცემიდან თორმეტი თვის განმავლობაში უფლებამოსილნი არიან ისარგებლონ მობილობის უფლებით. მობილობის შესახებ სრული ინფორმაცია კი შეუძლიათ იხილონ სსიპ – განათლების ხარისხის განვითარების ეროვნული ცენტრის ვებ. გვერდზე. www.nea.ge;
3. ბრძანება ეცნობოთ დაინტერესებულ პირებს – სტუდენტებს **დანართი 1**-ის შესაბამისად. ამ მიზნით ბრძანება გამოქვეყნდეს რსუ-ს ფაკულტეტებზე თვალსაჩინო ადგილას არსებულ საინფორმაციო დაფებზე, რომლის უზრუნველყოფა დაევალოს შესაბამისი ფაკულტეტის მდივნებს, ასევე განთავსდეს რსუ-ს ვებ- გვერდზე;
4. ბრძანების რსუ-ს ვებ-გვერდზე განთავსების უზრუნველყოფა დაევალოს საინფორმაციო-ტექნოლოგიებისა და კომუნიკაციების სამსახურს.
5. ბრძანება შეიძლება გასაჩივრდეს მისი გამოცემიდან ერთი თვის ვადაში საქართველოს განათლებისა და მეცნიერების სამინისტროში (ქ. თბილისი, დიმიტრი უზნაძის ქ. №52);
6. ბრძანება ძალაშია გამოცემისთანავე.

რექტორი, პროფესორი

ა. ბაკურიძე

დანართი 1

დამტკიცებულია

სსიპ - შოთა რუსთაველის

სახელმწიფო უნივერსიტეტის

რექტორის 2012 წლის 19

აპრილის №01-09/195 ბრძანებით

განათლებისა და მეცნიერებათა ფაკულტეტის სტუდენტები

(2010–2011 ს/წ)

№	სახელი	გვარი	სპეციალობა, სწავლების საფეხური	პირადი/№	დავალიანებული კრედიტების ოდენობა
1.	ნესტან	ბერიძე	თარჯიმან-რეფერენტი (ინგლისური ენა და ლიტერატურა)– უმაღლესი პროფესიული	61001070651	30 კრედიტი
2.	ინგა	დოლიძე	გერმანული ენა და ლიტერატურა- ბაკალავრიატი	61004031083	19 კრედიტი
3.	სალომე	ხემერი	საგანმანათლებლო მართვა და ხელმძღვანელობა- მაგისტრატურა	61001034930	30 კრედიტი

საინჟინრო-ტექნოლოგიური ფაკულტეტის სტუდენტები
(2010–2011 ს/წ პირველი სემესტრი)

№	სახელი	გვარი	სპეციალობა, სწავლების საფეხური	პირადი/№	დავალიანებული კრედიტების ოდენობა
1.	მათე	აბულაძე	სამოქალაქო მშენებლობა-პროფესიული	61001058700	25 კრედიტი
2.	გიორგი	ხალვაში	ტელეკომუნიკაცია და ელექტროენერგეტიკა-პროფესიული	61004050368	5 კრედიტი

სოციალურ მეცნიერებათა ბიზნესისა და სამართალმცოდნეობის
ფაკულტეტის სტუდენტი
(2010–2011 ს/წ)

№	სახელი	გვარი	სპეციალობა, სწავლების საფეხური	პირადი/№	დავალიანებული კრედიტების ოდენობა
1.	ზურაბ	მესხიძე	სამართალმცოდნეობა-ბაკალავრიატი	61004054111	30 კრედიტი